

眞文忠公政經

據中國國家圖書館藏宋刻
本影印原書版框高二十
三·六釐米寬十八·七釐米



宋王

出先生其文忠公心經一書行於世
瑞平公不夏五公發後月口從
秀別答要在經筵

上出公心經曰真此書

秋乙夜覽而嘉之卿且為之序洪公退嘗與

邁言至相顧隕涕既而洪公亦告瘞不知是

書豈成敗否也今所謂政經者乃

先生再守所著遺時

板真文忠公政經心經

周經州堂藏



友而四方門人



清中國圖書館藏宋刻
本影印原書紙推高二十
三六葉共寬十八七釐

長沙郡
徐錄西
神卷七



西山先生真文忠公心經一書行於世至

端平乙未夏五 公薨後兩月 從臣

俞咨夔在 經筵

上出 公心經曰 真其此書

乙夜覽而嘉之卿宜為之序 洪公退嘗與

邁言至相顧隕涕既而 洪公亦告卒不知是

書嘗序與否也今所謂政經者乃

先生再守 所著邁時分教睢邱鄉友趙

時棣宗 為法曹朝夕相與親炙琴瑟書冊之

側遂得此經寔在四方門人之先而四方門人

政經序

亦未必盡見之宗華令大庾鉅梓縣齋以一帙

見界且 序于陟端邁竊謂天下之書多矣然

有之無所 之靡所闕者亦多 先生所著

之書鑿鑿乎桑麻穀粟之不可闕者也惟心經

所以為開天理迪民彝之大本惟政經所以為

續天命救民窮之實用心經可以接伊洛之正


傳衍 張之遺學政經則自體以達用舉而措

之事業小則為程純公晉城縣譜次則為富文

忠公青州郡譜大則為韓忠獻公司馬文正公

三古元祐之相譜烏乎國 民亦勞止有

三古元祐之相譜烏乎國 民亦勞止有



民社者當於心政二經佩服而力行之則民瘼
庶其有瘳乎國脉庶其有永乎淳祐二年月正
人日門人王邁序

政要

不詳

人日門人王邁序

其有瘳乎國脉庶其有永乎淳祐二年月正
人日門人王邁序

真文忠公政經

康誥王曰嗚呼小子封桐瘵乃身桐瘵病也敬哉

天畏悲忱民情大可見小人難保徃盡乃心

康好逸豫乃其又民我聞曰怨不在大亦不

小惠不惠懋不懋一事不順一行不勉皆足致怨故順其所不順勉其所不

勉則自無怨

若保赤子惟民其康乂

要囚服念五六日囚之要辭服膺思念至于旬時十旬

蔽要囚五大蔽斷

主曰嗚呼凡我有官君子欽乃攸司慎乃

令出惟行弗惟反以公滅私民其允懷學

議事以制因事制且政乃不迷其爾典常作

無以利口亂厥官蓄疑敗謀怠忽荒政不

面泣事惟煩戒爾卿士功崇惟志業廣惟

生惟克果斷乃罔後艱位不期驕祿不期侈恭

險惟德無載爾僞作德心逸日休作僞心勞日

拙居寵思危罔不惟畏弗畏入畏推賢讓能庶

官乃不和政尾尾亂也舉能其官惟爾之能稱

匪其人惟爾不任

君陳三若曰君陳惟爾令德孝恭惟孝友于凡



弟克施有政命汝尹茲東郊敬哉

又曰爾惟風下民惟草圖厥政莫或不艱有廢

有興出入自爾師虞師衆庶言同則繹繹紬繹也謀多

獨斷

又曰無依勢作威無倚法以削寬而有制從容

以和

人曰爾無忿疾于頑無求備于一夫必有忍其

自濟有容德乃大簡厥修亦簡其或不修進

率其或不良惟民生厚因物有遷違上

從厥攸好爾克敬典在德時乃罔不變允

大猷

或思

身克正罔敢弗正民心罔中惟爾之中

暑雨小民惟曰怨咨怨嘆咨嗟冬祁寒小民亦惟

曰怨咨初大寒也厥惟艱哉思其艱以圖其易民乃

寧

呂刑王曰吁來有邦有土告爾祥刑在今爾安

百姓何擇非人何敬非刑何度非及度詳審也及謂獄辭

兩造具備兩爭俱至師聽五辭師衆獄官五辭五辭

簡孚簡核孚信正于五刑無疑然五刑不簡正于五

罰五罰不服正于五過病惟官位五過之疵

惟反報怨惟內女惟貨賂惟來請其罪惟鈞此

五者故有當刑而罰當罰之其審克之審謂詳度

五刑之疑有赦五罰之疑有赦其審克之簡孚私

有衆惟貌有稽周禮無簡不聽具嚴天威嚴敬

又曰罰懲非死人極于病財與非佞折獄佞謂

惟良折獄良謂罔非在中察辭于差辭非從惟

從非從我意哀敬折獄明啓刑書胥占與衆咸

中正其刑其罰其審克之

貨非寶鬻獄惟府辜功府聚辜報以庶

政政三

曰不簡不易民不有近平易近民民必歸

公之言而載于

山下有火賁君子以明庶政無敢折獄山下

明不為速故明審庶

山上有火旅君子以明慎用刑而不留獄火之

明無不照待明則輕故言謹

雷皆至豐君子以折獄致刑離明照察之象

威斷之象

澤上有風中孚君子以議獄緩死風感水受中

死中

子曰治子乘之國敬事而信節用而愛人使民以時

子曰道之以政齊之以刑民免而無耻道之以德齊之以禮有耻且格

哀公問曰何爲則民服孔子對曰舉直錯諸枉則民服舉枉錯諸直則民不服

季康子問使民敬忠以勸如之何子曰臨之以則敬孝慈則忠舉善而教不能則勸

也可使南面仲弓問子桑伯子子曰可
仲弓曰居敬而行簡以臨其民不亦可乎

政經

四

三第

而行簡無乃太簡乎子曰雍之言然

政子曰足食足兵民信之矣子貢曰必
得已而去於斯三者何先曰去兵子貢曰必
不得已而去於斯二者何先曰去食自古皆有
死民無信不立

子曰片言可以折獄者其由也與子路無宿諾
子曰聽訟吾猶人也必也使無訟乎

子張問政子曰居之無倦行之以忠

季康子問政於孔子孔子對曰政者正也子帥
以正孰敢不正

季康子患盜問於孔子孔子對曰苟子之不欲
雖賞之不竊

季康子問政於孔子曰如殺無道以就有道何

如孔子對曰子爲政焉用殺子欲善而民善矣

君子之德風小人之德草草上之風必偃

子路問政子曰先之勞之勞如字請益曰無倦

仲弓爲季氏宰問政子曰先有司赦小過舉賢

白焉知賢才而舉之曰舉爾所知爾所不知

諸

請學稼子曰吾不如老農請學爲圃曰吾

圃政經

王

馬良

七圃樊遲出子曰小人哉樊遲也上好禮

敢不敬上好義則民莫敢不服上好信

民莫敢不用情夫如是則四方之民襁負其

子而至矣焉用稼

子曰其身正不令而行其身不正雖令不從

子適衛冉有僕子曰庶矣哉冉有曰既庶矣又

何加焉曰富之曰既富矣又何加焉曰教之

子曰苟正其身矣於從政乎何有不能正其身

如正人何

葉公問政子曰近者說遠者來

子夏爲莒父宰問政子曰無欲速無見小利欲速則不達見小利則大事不成

子曰上好禮則民易使也

子曰知及之仁不能守之雖得之必失之知及之仁能守之不莊以涖之則民不敬知及之仁能守之莊以涖之動之不以禮未善也

子之武城聞弦歌之聲夫子莞爾而笑曰割雞而用牛刀子游對曰昔者偃也聞諸夫子曰君則愛人小人學道則易使也子曰二三

之言是也前言戲之耳

政登

六

馬氏

問仁於孔子孔子曰能行五者於天下爲問之曰恭寬信敏惠恭則不侮寬則得

信則人任焉敏則有功惠則足以使人孟氏使陽膚爲士師問於曾子曾子曰上失其道民散久矣如得其情則哀矜而勿喜

子張問於孔子曰何如斯可以從政矣子曰尊

美屏四惡斯可以從政矣子張曰何謂五美

子曰君子惠而不費勞而不怨欲而不貪恭而不驕威而不猛子張曰何謂惠而不費子曰因

民之所利而利之斯不亦惠而不費乎擇可

而勞之又誰怨欲仁而得仁又焉貪君子無衆寡無小大無敢慢斯不亦恭而不驕乎君子正其衣冠尊其瞻視儼然人望而畏之斯不亦威而不猛乎子張曰何謂四惡子曰不教而殺謂之虐不戒視成謂之暴慢令致期謂之賊猶之與人也出內之吝謂之有司

寬則得衆信則民任焉敏則有功公則說

學子曰聽訟吾猶人也必也使無訟乎無情

盡其辭大畏民志此謂知本

上如保赤子心誠求之雖不中不遠矣

政經

只君子民之父母民之所好好之民之

之此之謂民之父母

制凡制五刑必即天論郵罰麗於事

必即天論言與

過人罰人當各附於其事不可假他以喜怒凡

聽五刑之訟必原父子之親立君臣之義以權

之意論輕重之序慎測淺深之量以別之悉其

總明致其忠愛以盡之疑獄汜與衆共之衆疑

赦之必察小大之比以成之

小大猶輕重已行故事曰比比必

利反例也

刑者例也例者成也一成而不可變故君子盡

心焉

子路治蒲三年孔子過之入其境曰善哉由也忠信而寬矣
恭敬以信矣入其邑曰善哉由也明察以斷矣子貢執轡而問
至庭曰善哉由也明察以斷矣子貢執轡而問
曰夫子未見由之政而三稱其善可得聞乎孔
子曰吾見其政也入其境田疇盡易草萊甚辟
溝洫深治此其恭敬以信故其民盡力也入其
一墻屋完固樹木甚茂此其忠信以寬故其民
二至其庭庭甚清閑諸下用命此其明察
故政不擾也以此觀之雖三稱其善庸盡

政經

八

竹影

子

鄭國之政以其乘輿濟人於溱洧孟子
惠而不知爲政歲十一月徒杠成十二月輿
梁成民未病涉也君子平其政行辟人可也焉
得人人而濟之

徒善不足以爲政徒法不能以自行

孟子曰仁言不如仁聲之入人深也善政不如
善教之得民也善政得民財善教得民心

視民如傷

得

子產始知然明問爲政焉對曰視民如子見不仁者誅之如鷹鷂之逐鳥雀也子大叔問政於子產子產曰政如農功日夜思之思其始而成其終朝夕而行之行無越思如農之有畔其過鮮矣

鬪子文三舍令尹無一日之積卹民之故也成王聞子文之朝不及夕也於是乎每朝設脯一束糗一筐以羞子文至于今令尹秩之一每出子文之祿必逃王止而後復人謂文曰人生求富而子逃之何也對曰夫從

政經

九

實卷之二

自以庇民也民多曠者而我取富焉是勤自封也死無日矣我逃死非逃富也

季羔爲衛士師則人之足俄而衛崩躓之亂季羔逃之郭門則者守門焉謂季羔曰彼有隙季羔曰君子不踰又曰彼有竇季羔曰君子不隧又曰於此有室季羔乃入焉旣而追者罷季羔將去謂則者曰吾不能虧主之法而親則子之足今吾在難此正子之報怨之時而逃我者三何故哉曰斷足固我之罪無可奈何曩者君治臣以法令先人後臣欲臣

之免也臣知獄決當論見君愀然不樂見君
顏色臣又知之君豈私臣哉天生君子其道
固然此臣之所以悅君也

漢曹參爲齊相齊七十城天下初定悼惠王
富於春秋參盡召長老諸生問所以安集百
姓諸儒以百數言人人殊參未知所定聞膠
有蓋公善治黃老言使人厚幣請之既見
蓋公爲言治道貴清靜而民自定推此類具
參於是避正堂舍蓋公焉齊國安集大

參相

文經

十

卷四

長歐爲吏未嘗言按人專以誠長者處官官
爲長者亦不敢大欺

循吏如河南守吳公蜀守文翁之屬
言謹身帥先居以廉平不至於嚴而民從化
翁仁愛好教化見蜀地僻陋有蠻夷風欲誘
進之乃選郡縣小吏開敏有材者十餘人親
自飭厲遣詣京師受業博士數歲蜀生皆成
就還歸文翁以爲右職用次察舉官有至郡
守刺史者又修起學宮於成都市中招下縣
子弟以爲學官弟子爲除更繇高者以補郡

縣吏次爲孝悌力田每出行縣益從學官諸
生明經行者與俱使傳教令出入閭閻吏民
見而榮之數年爭欲爲學官弟子繇是大化
蜀地學於京師者比齊魯焉

汲黯治官理民好清淨擇丞史任之責大指
而已不苛小

黃霸爲潁川太守力行教化而後誅罰務在
成就安全長吏許丞老病龔督郵白欲逐之
霸曰許丞廉吏雖老尚能拜起送迎正頗重
可傷且善助之母失賢者意或問其故霸

政經

一

馬

E數易長吏送故迎新之費及姦吏緣絕簿
書盜財物公私費耗甚多皆當出於民所易
新吏又未必賢或不如其故徒相益爲亂凡
治道去其泰甚者耳霸以外寬內明得吏民
心戶口歲增治爲天下第一

朱邑少爲舒桐鄉嗇夫廉平不苛以愛利爲
行未嘗笞辱人存問耆老孤遺遇之有恩所
至吏民愛敬

宣帝即位渤海左右郡歲飢盜賊並起二千
石不能禽制丞相御史舉龔遂可用上以爲

渤海太守召見謂遂曰渤海廢亂朕甚憂之君欲何以息其盜賊以稱朕意遂對曰海瀕遐遠不霑聖化其民困於飢寒而吏不恤故使陛下赤子盜弄陛下之兵於潢池中耳今欲使臣勝之邪將安之也上曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史且無拘臣以文法得一切便宜從事上許焉乘傳至渤海界郡聞新太守至發兵以迎遂皆遣還移書勅屬縣悉罷逐捕盜賊吏諸持鉏鉤

政經

十一

馬

田器者皆爲良民吏毋得問持兵者廼爲盜賊遂單車獨行至郡中翕然盜賊亦皆罷渤海又多劫掠相隨聞遂教令即時解散棄其兵弩而持鉤鉏盜賊於是悉平民安土樂業遂廼開倉廩假貧民選用良吏尉安牧養焉遂見齊俗奢侈好末伎不田作廼躬率以儉約勸民務農桑令口種一樹榆百本薤五十本葱一畦韭家二母彘五雞民有帶持刀劍者令賣劍買牛賣刀買犢曰何爲帶牛佩犢春夏不得不趨田畝秋冬課收歛益畜果實

菱茨勞來循行郡中皆有畜積吏民皆富實
獄訟衰息

召信臣補穀陽長舉高第遷上蔡長其治視
民如子所居見稱述遷南陽太守其治如上
蔡信臣爲人勤力有方略好爲民興利務在
富之躬勸耕農出入阡陌止舍離鄉亭稀有
安居時行視郡中水泉開通溝瀆起水門堤
闕凡數十處以廣溉灌歲歲增加多至三萬
頃民得其利畜積有餘信臣爲作均水約束
刻石立於田畔以防分爭禁止嫁娶送終奢

政經

十三

何多

靡務出於儉約府縣吏家子弟好游敖不以
田作爲事輒斥罷之甚者案其不法以視好
惡其化大行郡中莫不耕稼力田百姓歸之
戶口增倍盜賊獄訟衰止吏民親愛號之曰
召父

卓茂爲密令勞心諄諄視人如子舉善而教
口無惡言吏人親愛而不忍欺之

魯恭拜中牟令專以德化爲理不任刑罰訟
人許伯等爭田累數令不能決恭爲平理曲
直皆退而自責輟耕相讓亭長從之借牛而

不肯還之牛主訟於恭恭召亭長勅令歸牛者再三猶不從恭歎曰是教化不行也欲解印綬去掾吏泣涕共留之亭長乃慙悔還牛詣獄受罪恭貫不問於是吏人信服

劉寬典歷三郡溫仁多恕雖在倉卒未嘗疾言遽色常以爲齊之以刑民免而無耻吏民有過但用蒲鞭罰之示辱而已終不加苦事有功善推之自下灾異或見引躬克責每行縣止息亭傳輒引學官祭酒及處士諸生執經對講見父老慰以農里之言少年勉以孝

正氣

一四

何教

悌之訓人感德興行日有所化

任延爲九真太守俗以射獵爲業不知牛耕民嘗告糴交阯每致困乏延乃令鑄作田器教之墾闢田疇歲歲開廣百姓充給又駱越之民無嫁娶禮法各因淫好無適對匹不識父子之性夫婦之道延乃移書屬縣各使男年二十至五十女年十五至四十皆以年齒相配其貧無禮聘令長吏以下各省俸祿以賑助之同時相娶者二千餘人是歲風雨順節穀稼豐衍其產子者多名子爲仁平帝

時錫光爲交趾太守教導民夷漸以禮義化聲侔於延

劉昆爲江陵令時縣連年火災昆輒向火叩頭多能降雨止風遷弘農太守先是崤黽道多虎行旅不通昆爲政三年仁化大行虎皆負子渡河帝聞而異之徵爲光祿勳問曰前在江陵反風滅火後守弘農虎北渡河行何德政而致是事昆對曰偶然耳帝歎曰此長者之言顧命書諸策

孟嘗爲合浦太守郡不產穀實而海出珠寶

政雜

十五

王第

與交趾比境嘗通商販貨糴糧食先時宰守並多貪穢詭人採求不知紀極珠漸徙於交趾郡界於是行旅不至人物無資貧者死餓於道嘗至官革易前弊求民病利曾未踰歲去珠復還

劉矩爲雍丘令民有爭訟矩常引之於前提耳訓告以爲忿恚可忍縣官不可入使歸尋思訟者感之輒各罷去其有路得遺者皆推尋其主

劉寵爲會稽太守山民愿朴有白首不入市

井者頗爲官吏所擾寵簡除煩苛禁察非法
郡中大化徵爲將作大匠山陰縣有五六老
叟扈眉皓髮自若邪山谷間出人齎百錢以
送寵寵勞之曰父老何自苦對曰山谷鄙生
未嘗識郡朝它時守吏發求民間至夜不絕
或狗吠竟夕民不得安自明府下車以來狗
不夜吠民不見吏今聞當見棄去故自扶奉
送耳寵曰吾政何能及公言邪勤苦父老爲
人選一大錢受之

仇覽爲蒲亭長勸人生業爲制科令農事旣

政舉

十六

王勃

畢乃令子弟群居還就學覽初到亭人有陳
元者獨與母居而母詣覽告元不孝覽驚曰
吾近過元舍廬落整頓耕耘以時此非惡人
當是教化未至耳母守寡務孤苦身投老奈
何肆忿於一朝欲致子於不義乎母聞感悔
涕泣而去覽乃親到元家與其母子飲因爲
陳人倫孝行譬以禍福之言元卒成孝子時
考城令王渙政尚嚴猛聞覽以德化人署爲
主簿謂覽曰主簿聞陳元之過不罪而化之
得無少雁鴟之志邪覽曰以爲雁鴟不若鸞

鳳故不爲也

王暢爲南陽太守奮厲威猛功曹詠曰懇懇用刑不如行恩孳孳求姦未若禮賢舜舉棄陶不仁者遠隨會爲政晉盜奔秦虜芮入境讓心自生化人在德不在用刑暢納其諫更崇寬政慎刑簡罰教化遂行

隋蘇瓊除清河太守有百姓乙普明兄弟爭田積年援據至百人瓊召普明兄弟諭之曰天下難得者兄弟易求者田地假令得失兄弟心如何諸證莫不灑泣普明兄弟叩頭

正德

一一

耳

乞外更思遂還同居

立公義除岷州刺史土俗畏病一人有病合家避之父子夫婦不相看養孝義道絕公義患之分遣部內凡有疾病皆以牀輦安置聽事暑月疫時或至數百公義親設榻獨坐其間所得俸祿盡用市藥迎醫療之於是悉差諸病家子孫慙謝後有病者爭就使君其家無親屬因留養之始相慈愛此風遂革遷并州刺史下車先至獄露坐牢側親自驗問十餘日決斷咸盡方還受新訟不立文案遣當

直佐寮一人側坐訊問事不盡公義即宿聽
不還閤或諫曰此事有程使君何自苦答曰
刺史無德可以導人尚令百姓繫於囹圄豈
有禁人在獄而心自安乎罪人聞之咸自款
伏後有欲訟者鄉閭父老遽相曉曰此小事
何忍勤勞使君訟者皆兩讓而止

文忠公政經

一徽之歛縣催科素難嘉定中有爲宰者措置
夏稅秋苗以一都爲一簿與諸都保長相約
每日引三四都某都以甚日當限自近而遠
謂如初一日引第一第二第三都初二日引
第四第五第六都至十四日而諸都畢又自
十六日再輪至二十九日而畢所以虛十五
日者以其有小盡故也其簿居常置宅堂中
閑暇輒一繙閱至某日某都當限則携是簿
出令保長當廳拋箱知縣據案令鄉司當
七消即與押字而保長者即出無羈留之
無引展之費安得不如期以來又慮諸廳
力限之不同則保長又須伺候於是關會諸
廳限日悉同保長以一日在縣了諸廳之限
即下鄉催科每半月纔一到縣爲力不煩得
以從容爲官辦事此一法也

隆興豐城人戶多委掌攬輸賦而掌攬不以
時納嘉定中有爲宰者措置每都出一青冊
每板開稅戶二名第一行書每人戶第二行
書幹事人三字第三行書掌攬人二字從本
都保長傳至稅戶取會如係本戶自納即於

第一行云自納或委幹事人納即於第二行書其姓名在何處居或委掌攬人納即於第三行書其姓名在何處居語都人戶統賦無不知其去着者於催科爲尤便此又一法也潭州諸縣皆有掌攬籍願爲掌攬者入狀召保仍納抵產乃許充應無詭名之弊無私下掌攬而名不在官之弊無公吏罷役等人冒充之弊此又一法也

一寧國宣城催科亦難辦嘉定中有宰到官前召諸都保長來飲之以酒而與之約曰自今官不以一毫擾汝汝亦毋得以違吾信命同僚皆哂其迂謂此間保司雖撻罰不能使之畏豈杯酒所能堅其約乎既而三年之間無一違信命者鞭朴束縛而不用此又以誠意感人_一之效也

鄉邦有老於吏事者嘗於保司限到率當廳引展鄉司輩皆無所獲又恐生他弊則明出令每引以錢若干文繫于引之腰拋之筒中保司所費不多而鄉吏亦沾微潤此_一法亦可爲法

一潭之醴陵慶元間有名士爲宰者每省限滿
點追到官或十人或六七人宰謂之曰汝等
罪當杖然不忍皆杖也則使探闖而受杖被
刑者少而人皆知懼此又一法也

以上數條皆可采用而歛縣造簿分限之
法尤爲切要蓋簿書乃財賦之根抵財賦
之出於簿書猶禾稼之出於田畝也故縣
令於簿書當如舉子之治本經近世不然
雖秋夏之簿未嘗不置然爲宰者罕曾親
閱則所用以催科者鄉司之草簿而已彼

政經

五十一

何卷

其平時飛走產錢出入賣弄無所不至若
據其草簿以催科則指未納爲已納已納
爲未納皆惟其意所欲官賦之陷失人戶
之被擾皆由於此若用歛縣之法則各都
之納有欠無欠一目瞭然故嘗謂催科之
權在己而不在吏則不擾而辦在吏而不
在己則擾而不辦蓋謂此也今屬縣財賦
之不辦大抵由其不能用歛縣之法故予
於此尤惓惓焉

西山帥長沙咨目呈兩通判及職曹官

某猥以庸虛謬當闡寄朝夕怵惕思所以仰答朝廷之恩俯慰士民之望惟賴官僚協心同力庶克有濟區區輒有所懷敢以布于左右蓋聞政之本風化是先潭之爲俗素以淳古稱比者經其田里見其民朴且愿猶有近古氣象則知昔人所稱良不爲過今欲因其本俗迪之於善已爲文諭告俾興孝弟之行而厚宗族鄰里之恩不幸有過許之自新而毋狃於故習若夫推此意而達之民則令佐之責也繼今邑民以

政經

二二

何報

事至官者願不憚其煩而諄曉之感之以至誠持以悠久必有油然而興起者若民間有孝行純至友愛著聞與夫叶和親族調濟鄉閭爲事所推者請采訪以實以上于州當與優加褒勸至於聽訟之際尤當以正名分厚風俗爲主以密學陳公襄爲仙居宰教民以父義母慈兄友弟恭而人化服焉古今之民同一天性豈有可行於昔而不可行於今惟母以薄待其民民亦將不忍以薄自待矣此某之所望於同僚者也然而正己之道未至愛人之意不孚則雖有

教告而民未必從故其願與同僚各以四事自勉而爲民去其十害何謂四事曰

律己以廉

凡名士大夫者萬分廉潔止是小善一點貪汗便爲大惡不廉之吏如蒙不潔雖有它美莫能自贖故此以爲四事之首

撫民以仁

爲政者當體天地生萬物之心與父母保赤一之心有一毫之慘刻非仁也有一毫之忿疾亦非仁也

存心以公

申曰公生明私意一萌則是非易位欲事之當理不可得也

立事以勤是也

當官者一日不勤下必有受其弊者古之聖賢猶且日昃不食坐以待旦况其餘乎今之世有勤於吏事者反以鄙俗目之而詩酒遊宴則謂之風流嫺雅此政之所以多疵民之所以受害也不可不戒

何謂十害曰

斷獄不公

獄者民之大命豈可小有私曲

聽訟不審

訟有實有虛聽之不審則實者反虛虛者反實矣其可苟哉

淹延囚繫

一夫在囚舉室廢業囹圄之苦度日如歲其可淹久乎

用刑

刑者不獲已而用人之體膚即己之體膚也

國政紀

二四

三第

何忍以慘酷加之乎今爲吏者好以喜怒用刑甚者或以關節用刑殊不思刑者國之典所以代天糾罪豈官吏逞忿行私者乎不可不戒

汎濫追呼

一夫被追舉室皇擾有持引之需有出官之費貧者不免舉債甚者至於破家其可汎濫乎

招引告許

告許乃敗俗亂化之原有犯者自當痛治何

可勾引令官司有受人實封狀與出榜召人
告首陰私罪犯皆係非法不可爲也

重疊催稅

稅出於田一歲一收可使一歲至再稅乎有
稅而不輸此民戶之罪也輸已而復責以輸
是誰之罪乎今之州縣蓋有已納而鈔不給
或鈔雖給而籍不消再追至官呈鈔乃免不
勝其擾矣甚者有鈔不理必重納而後已破
蕩產鬻妻賣子往往由之有人心者豈忍
爲此

詞取財

以間自二稅合輸之外一毫不當妄取今縣
道有科罰之政與夫非法科斂者皆民之深
害也不可革

縱吏下鄉

鄉村小民畏吏如虎縱吏下鄉猶縱虎出柙
也弓手土兵尤當禁戢自非捕盜皆不可差
出

低價買物是也

物同則價同豈有公私之異今州縣有所謂

市令司者又有所謂行戶者每官司數買視市直率減十之二三或不即還甚至白著民戶何以堪此

某之區區其於四事敢不加勉同僚之賢固有俟丁寧而素知自勉者矣然亦豈無當勉而未能力者乎傳曰過而不改是謂過矣又曰誰謂德難厲其庶而賢不肖之分在乎勉與不勉而異時舉刺之行當以是爲準至若十害有無以未詳知萬一有之當如拯溺救焚不俟終日狃於因循之習毋牽於利害之私或事關州

政經

二十六

令初

富見告而商確焉必期於去民之瘼而後已又某之所望於同僚者抑又有欲言者夫州之與縣本同一家長吏僚屬亦均一體若長吏偃然自尊不以情通于下僚屬退然自默不以情達于上則上下痞塞是非莫聞政疵民隱何從而理乎昔諸葛武侯開府作牧首以集衆思廣忠益爲先某之視侯無能爲役然虛心無我樂於聞善善蓋平日之素志自今一道之利病某之所當知者願以告焉某之所爲有不合於理不便於俗者亦願以告焉告而適當敢不敬從

如其未然不厭反復則湖湘九郡之民庶乎其
蒙賜而某也庶乎其寡過矣敢以誠告尚其亮
之幸甚

某咨目上

附判職曹以下諸同官

會集十二縣知縣議事以詩送

從來守令與斯民都是同胞一體親豈有脂膏
似爾祿不思痛癢切吾身此邦祇似唐朝古我
手當如漢吏循今夕湘春一卮酒重煩散作十
春

諭俗榜文

政經

二七

俗信

叮叨蒙 上恩擢守湘土深惟 朝廷委寄
重非特責以有司常務而已布宣德化導迪
人心實守臣之事顧此邦風俗初未詳知今以
天性人倫之大者與夫遷善改過之方爲爾民
告名之曰諭俗三事今具于后

一古者教民必以孝弟爲本其制刑亦以不
孝不弟爲先蓋人之爲人異乎禽獸者以
其有父子之恩長幼之義也詩云父兮生
我母兮鞠我繼之曰欲報之德昊天罔極
此言父母之恩與天同大爲人子者雖頑

其力未足以報也今乃有親在而別籍異財親老而供養多闕親疾而救療弗力親歿而安厝弗時不思此身從何而有罔極之報當如是乎至於兄弟大倫古人謂之手足言其同本一體也今乃有以唇舌細故而致爭雖刀小故而興訟長不恤幼卑或凌尊同氣之親何忍爲此潭湘舊俗素稱淳厚如前數者未必有之太守此來欲以義理訓民未免預陳勸戒已行下州城十二縣自今民間有孝行純至友愛著聞采訪得實具申本州當與優加旌賞以爲風俗之勸或其間有昧於禮法之人爲不孝不弟之行鄉里父老其以太守之言曲加誨諭令其悛改昔後漢陳元爲母所訟亭長仇香親到其家教以人倫大義遂爲孝子北史清河之民有兄弟爭財者郡守蘇瓊告以難得者兄弟易得者田宅遂感悟息訟同居如初况此邦之人本來易化以理開曉必無不從若上違太守之訓言下拒父老之忠告則是敗常亂俗之民王

法所加將有不容已者一陷刑戮終身不齒雖悔何及爾民其思之母忽

齒者列也言既以不孝不弟被刑即是頑惡之人不得與良民並列也

一古人於宗族之恩百世不絕蓋服屬雖遠本同祖宗血脉相通豈容間隔至於鄰里鄉黨雖比宗族為踈然其有無相資緩急相倚患難相救疾病相扶持情義所關亦為甚重今人於此二者往往視以為輕小有紛爭輒相凌犯詞愬一起便為敵讎有

一于斯皆非美事

三九

西夏雜記

昔江州陳氏累世同居聚族至七百餘口前代嘗加旌表至今稱為義門吉州孫進士以惠施一鄉諸司列奏蒙 恩特免文解士夫以為美談江湖之間境土相接豈有江西之人能為義舉而此獨不能今請逐處老成賢德之士交相勸率崇宗族之愛厚鄰里之歡時節往來恩愛浹洽小小乖忤務相涵容不以輕啓訟端以致結成怨隙若能和叶親族調濟里閭為衆論所推亦當特加褒異如其

不體教訓妄起訟爭懲一戒百所不容已
爾民其勉之無忽

一官之與民誼同一家休戚利害合相體恤
爲有司者不當以非法擾民爲百姓者不
當以非理擾官太守平時以愛人利物爲
心不啻飢渴視事云始切切講求已轉牒
州縣官各以四事自勉而爲民除其十害
何謂四事律己以廉撫民以仁存心以公
莅事以勤是也何謂十害斷獄不公聽訟
不審淹延囚繫慘酷用刑汎濫追呼招引

政經

三十

器具雜

告訐重疊催稅科罰取財縱吏下鄉低價
買物是也十者有無所未詳知萬一有之
當如拯溺救焚不俟終日務令田野安帖
愁歎不生或民間有公共利病太守所未
及知許明白具狀前來陳述但不許匿名
實封訐人私過言而有理即當詳酌以次
施行爾民亦宜體太守此意更相勸戒非
法之事莫妄作

如豪強凶橫吞謀貧弱奸狡詐僞欺騙
善良教唆詞訟計囑公事聚衆鬪毆開

坊賭博居停盜賊屠宰耕牛酷賣私酒
興販雜物如此之類皆係非法

無理之專莫妄興

如事不干己輒行告訐裝撰詞說夾帶
虛實如此之類皆是非理

或日前所爲未免害人若能幡然悔悟去
惡從善如湯沃雪舊迹都消人誰無過改
之爲貴周處三害終爲名賢父老其以此
意爲鄉閭子弟反復解說必若教之不悛
則國家有法官司有刑太守雖欲從寬有
不可得爾民其幸聽之母忽

政經

三

聖諭

訓俗三事開具在前太守之於爾民猶父兄
子弟爲父兄者只欲子弟之無過爲太守者
亦爾民之無犯故於到任之初以誠心實
意諄諄告諭其不識文義者鄉曲善士當以俗
語開陳使之通曉庶幾人人循理家家畏
法田里無追呼之擾公庭無鞭朴之聲民情熙
然化爲樂國豈不美哉故今榜示各宜知悉
知泉州軍州事

當職昨守此州首末三年初無善狀豈謂邦

人亮其踈拙既去之後猶不相忘當職亦每
每稱嘆士風之美民俗之厚未有如溫陵比
者十四五年之間雖泉山一草一木亦時入
思念至聞永德二邑之寇難則爲之悽愴聞
歲事不登民生憔悴則爲之慨嘆不圖閑散
之久忽蒙 上恩再付郡寄疾病衰羸本不
能行又念泉人相愛之深不忍固辭勦勉一
行今已到任凡百政事悉遵前任日規模及
以仁廉公勤四事與僚屬更相勸勉期不負
小人屬望之意惟士若民亦宜各崇禮義各

政經

三十一

甲寅

偶廉耻各修孝弟忠信之行使士風之美民
化之厚有加於往時是又區區所望於泉人
之當職此來精力雖非昔比然勤民之心不
足以衰病而或怠倉庫空虚前所未有然恤
民之心不敢以匱乏而少改爾民亦宜體念
意詞訐之可已者不必重紊官司賦稅之
當輸者不必更待催督使當職聽斷之餘頗
有暇日而官俸兵糧粗免欠闕庶得一意爲
爾民思長久之計不爲細故末節所妨當職
此來非有所貪慕惟欲興利除害使此邦復

還樂土之舊而已比者入境之初延訪父老
田里利病雖已略聞本末曲折未能周悉凡
士民有知其詳者遇見客受詞之日不惜條
陳以告當加斟酌次第施行今後郡政或有
不合事宜亦願指陳無隱庶幾利日以興害
日以除年歲之間漸還舊觀此當職垂老復
入之本意也故茲曉諭各宜知悉

勸諭文

寸將至郡人歡迎自慚薄德莫副民望視事
台合有教條不憚諄諄爲爾開說凡爲人子

取錄

三十三

王錫

敬是先其次友愛叶和兄弟人非父母豈有
身父母生兒多少艱苦妊娠將免九死一生
甫三年飲母膏血携持保抱日望長成如惜
至如護性命慈烏反哺猶知報恩人而不孝
鳥雀不若兄弟之愛同氣連枝古來取喻名爲
手足無兄弟如無四肢痛痒相關實同一體
長當撫幼弟當敬兄或值急難尤湏救助其次
族屬雖有親疎論其源流皆是骨肉譬如大木
枝葉分披本同一根氣脉未遠豈宜相視便若
路人其次情義亦重患難相救

恩意往來亦不可闕以上四事人道大端凡爾
良民首當加勉家家孝友人人雍和苟專息爭
安分循理得已且已莫妄興詞一到訟庭終身
仇敵更相報復無有休期壞產破家多由於此
喧競或不能無鄰里之間急宜勸止莫令
交手致有鬪傷彼中汝拳汝受官棒本因小忿
遂成深讎何似始初便從忍耐觸來莫競心下
汚市井經營雖圖利息亦須賭是莫太虧瞞
計稱量各務公當大入小出天理不容濕米
刁尤爲人害放債收息量取爲宜分數太多
者受苦舉債營運如約早還莫待到官然後
納飲酒無節少不生灾賭博不戒多至爲盜
浮浪久必困窮勤謹服業終是得力太守
爲此民復來有太平當爲伸雪有大不便
當爲蠲除事若細微不必相撓於爾無益於我
分違法犯刑最不可作

政經

三十四

王錫

如悖父母陵犯尊長健訟無理毆人重傷開
坊聚賭停盜宰牛教唆詞訟欺騙財物等事
皆是違法

舊來有過各許自新教而不從刑斯無赦有罰

能改即是善良耆艾老成宜推此意誨爾子弟
及其鄉人有違此言衆共誚責凡此忉怛欲曉
編民讀書爲儒師慕聖哲自知義理不待鄙言
所望以身率先閭里一方一所有一仁賢以善
教人人必感動去薄從厚弭灾召和其始自今
永爲樂國

諭州縣官僚

昨者叨帥長沙嘗以四事勸勉 同僚曰律
以廉撫民以仁存心以公蒞事以勤而某區區
身率之以是二年之間爲潭人興利除害者

政雅

三五

何涉

且可紀今者蒙 恩起廢再撫是邦竊伏惟
所以荅 上恩而慰民望者亦無出前之四事
已故願與 同僚勉之蓋泉之爲州蠻貊聚
三犀珍寶貨見者興羨而豪民巨室有所訟愬
志在求勝不吝揮金苟非好脩自愛之士未有
不爲所汚染者不思廉者士之美節汚者士之
醜行士之不廉猶女之不潔不潔之女雖功容
絕人不足自贖不廉之士縱有它美何足道哉
昔人有懷四知之畏而却暮夜之金者蓋隱微
之際最爲顯著 聖賢之教謹獨是先故願

同僚力將冰蘖之規各厲玉雪之操使士民起
敬稱爲廉吏可珍可貴孰有踰此其所當勉者
一也先儒有云一命之士苟存心於愛物於人
必有所濟且以簿尉求之簿勤於勾稽使人無
重疊追催之害尉勤於警捕使人無穿窬攻劫
之擾則其所濟亦豈少哉等而上之其位愈高
於民之休戚者愈大發一殘忍心斯民立遭荼
之害發一培剋心斯民立被誅剝之殃盍亦
而思之針芒刺手茨棘傷足舉體凜然謂之
刑威之慘百倍於此其可以喜怒施之乎

豹在前坑穽在後號呼求救惟恐不免獄犴
者何異於此其可使無辜者坐之乎已欲安
則不當擾民之居已欲豐財則不當朘民之
財故曰己所不欲勿施於人其在聖門名之曰
恕強勉而行可以致仁矧當斯民憔悴之時撫
摩愛育尤不可緩故願同僚各以哀矜惻怛
爲心而以殘忍培剋爲戒則此邦之人其有瘳乎
此所當勉者二也公事在官是非有理輕重有
法不可以己私而拂公理亦不可翫公法以徇
人情諸葛公有言吾心如秤不能爲人作輕重

此有位之士所當視以爲法也然人之情每以私勝公者蓋徇貨賄則不能公任喜怒則不能公黨親戚畏豪強顧禍福計利害則皆不能公殊不思是非之不可易者天理也輕重之不可踰者國法也以是爲非以非爲是則逆乎天理矣以輕爲重以重爲輕則違乎國法矣居官臨民而逆天理違國法於心安乎雷霆鬼神誅金科玉條之禁其可忽乎故願同僚以心持公道而不汨於私情不撓於私請庶幾本且適宜而無冤抑不平之歎此所當勉者三

政經

三二

馬

人生在勤勤則不匱則爲民者不可以不勤于勤荒于嬉則爲士者不可以不勤况爲所受者朝廷之爵位所享者下民之脂膏一或不勤則職業墮弛豈不上孤朝寄而下負民望乎今之居官者或以酣詠遨遊爲高以勤強敏恪爲俗此前世衰弊之風也盛明之時豈宜有此陶威公有言大禹聖者猶惜寸陰至於衆人當惜分陰故賓佐有以蒲博廢事者則取而投之於江今願同僚共體此意職思其憂非休澣毋聚飲非節序毋出遊朝夕孜

此所當勉者四也某雖不敏請以身先毫髮少
渝望加規警前此官僚之間或於四者未能無
愧顧自今始洗心自新在昔 聖賢許人改過
故曰改而止儻猶玩視而不改焉誠恐物議沸
騰在某亦不容苟止也泣事之初敢以誠 告
幸 垂 察焉

勸諭事件于后

入境以來延訪父老交印之後引受民詞
聖利病縣政否臧頗聞一二今檢舉前在任
東及今來合行事件開具于后

政徑

三六

馬良

改

定十年到任以五事諭民其一謂人道
所允莫如孝第編民中有能孝於父母弟
於兄長性行尤異者所屬詳加採訪以其
實上于州優加賞勸或身居子職有關侍
養或父母在堂別蓄私財或犯分陵忽不
顧長幼之倫或因利忿爭遽興骨肉之訟
凡若此者皆有常刑後據廂官申到黃章
取肝救母吳祥取肝救父各行支賞外又

有承信郎周宗強割股以療親疾延請諸
州設宴用旗幟鼓樂送歸其家晉江縣申
到劉璣有母百歲璣年七十孝養彌謹既
加優禮又立壽母坊以表之進士呂洙女
良子割股救父隨即痊愈亦立懿孝坊自
爲之記又據百姓兵十同妻勸子吳良聰
不孝審問得實杖脊于市髡髮居役其他
黜懲大率類此今請各縣知佐勤行訪問
女民間有孝友篤至之人保明申州待加
褒表其有悖逆父母凌犯尊長爲父兄所
愬者宜以至恩大義諄諄勸曉苟能悔過
古許自新教之不從即加懲治甚者解州
八行庶幾可做愚俗

嘗職昨在任日遇親戚骨肉之訟多是面
加開諭往往幡然而改各從和會而去如
卑幼訴分產不平固當以法裁斷亦須先
諭尊長自行從公均分或堅執不從然後
當官監析其有分產已平而妄生詞說者
却當以犯分認罔坐之今請知佐每聽訟
常以正名分厚風俗爲先庶幾可革偷薄

一學校風化之首訪聞諸縣間有不以教養
爲意者贍學之田或爲豪民占據或爲公
吏侵漁甚至移作它用未嘗養士其間雖
名養士又或容其居家日請錢米未嘗在
學習讀或雖住學而未嘗供課或雖供課
而所習不過舉業未嘗誦習經史凡此皆
有失 國家育材待用之本意今請知佐
究心措置學田所入嚴加鉤考毋令滲漏
計其所入專以養士仍請主學官立定課
程每旬一再講書許士子問難再講之曰

文選

四

各令覆說前所講者舉業之外更各課以
經史使之紬繹義理講明世務庶幾異時
皆爲有用之材所補非淺

一溫陵人材之淵數名德聞望相繼不絕近
入郡境士友投書頗多其間蓋有議論至
深切事情益知此邦士風之盛誠非它處
可及今恐諸縣管下有懷材抱藝而沉淪
不偶守道安貧而不肯苟求者宜以禮延
請致之學校使後有所師法仍以其姓名
申郡併當加之賓禮

清獄狂

一獄者生民大命苟非當坐刑名者自不應
收繫爲知縣者每每必須躬親庶免枉濫
訪聞諸縣間有輕實入於囹圄而付推鞠
於吏手者往往寫成草子令其依樣供寫
及勒令立批出外索錢稍不聽從輒加捶
楚哀號慘毒呼天莫聞或因糧減削衣被
單少飢凍至於交迫或枷具過重不與湯
刷頸項爲之潰爛或屋瓦踈漏不修有風
雨之侵或牢床打併不時有蟣蟲之苦或

政鑑

四十一

三第

坑廁在近無所蔽障有臭穢之薰或因病
不早醫治致其瘦死或以輕罪與大辟同
牢若此者不可勝數今請知縣以民命爲
念凡不當送獄公事勿輕收禁推問供責
一一親臨飯食居處時時檢察嚴戢胥吏
毋令擅自拷掠變亂情節至於大辟死生
所關豈容纖毫或至枉濫明有 國憲幽
有鬼神切宜究心勿或少忽

一昨因臣僚申請勘獄先經縣丞蓋慮知縣
事繁不暇專意獄事亦州郡先付獄官之

意也竊慮屬縣有悉付其事於丞不復加
意者有縣丞憚於到獄徑取上囚徒就廳
鞫問者凡此皆有失申明本指今仰知縣
以獄事爲重專任其責雖與縣丞同勘即
不許輒取罪囚出外以致漏泄情款引惹
教唆或丞老而病且乏廉聲亦不宜使之
干預

平賦稅

一前在任日管約束輸納二稅自有省限官
司先期催納在法非輕至於預借稅租

政理

四十一

王鏡

法尤不許若公吏私借者準盜論今聞屬
縣有未及省限而預先起催者有四年而
預借五年之稅五年而預借六七年之稅
者民間何以堪此仰自今爲始湏及省限
方行起催仍只催當年及遞年未納稅賦
不許更行預借所有公吏私借之弊併委
知縣嚴行覺察務令盡絕

一前在任日應官民寺觀輸納稅米並令自
量自槩止收槩下三升爲耗諸縣亦一體
施行今聞諸縣受納更不照前約束甚至

取及... 到者自今仰並照州倉交納
例令納戶自行量槩毋致少有過取其案
吏倉斛非理乞覓一切除罷受納官宜以
身率下庶幾可革蠹弊

一昨來節次約束遞年逃閣之數當與除豁
不許勒令保長代輸其就州納者州鈔下
縣縣吏不得藏匿立請主簿消注其就縣
納者即與印鈔給還仍對銷官簿不許重
疊追催及以呈鈔爲名輒行追擾今來訪
聞諸縣於前數弊色色有之入戶不勝其

政經

四十三

實錄

苦爲保長者尤所不堪甚至保正副本非
催科之人亦勒令代納違法害民莫此爲
甚仰諸縣截自日下並行革去

一昨宋大卿在任勅令第五等戶產錢一文
納見錢七文足應千縻費已併在中今來
訪聞諸縣公吏於七文之外又取縻費或
反多於正錢殊失前政寬卹之意今仰悉
從革去正錢之外不得增添分文反爲下
戶之困

禁苛擾

一前在任日曾坐 條行下諸縣應文引只

保司不許差人下鄉如諸色公吏輒帶家

人下鄉搔擾者並從 條收坐自後犯者

懲治非一又鄉書等人每遇鄉民收割輒

至鄉村乞麥乞穀因人戶有訴已將犯者

編配及尉司弓手不因捕盜而多帶家丁

擾害鄉村人戶亦屢曾懲治是時田里間

無一吏迹今聞數年以來此弊復作官司

未有一事便輒差人下鄉縱橫旁午為害

最甚仰諸縣截自日下更不許仍循前弊

政鑑

四四

卷七

兼本州既不專人下縣則縣邑亦豈應專

人下鄉若公吏非承縣引而私往鄉村乞

覓委知佐嚴加覺察務令盡絕

一昨曾行下在州官及諸縣知佐不許出引

令公吏保司買物及因南安丞廳出引付

保司募役人買布因而妄行科配致人陳

訴已將犯人斷罪刺環及將縣丞取問今

來訪聞諸縣仍有此弊仰知佐聽日下一

切杜絕不許責令公吏保司買物以致科

擾人戶

一前在任日曾有約束

聖節錫宴在近竊慮諸縣循習成例或於行鋪科買物件不依時價支錢或於民院科配錢物并借借器皿幕帟之屬因而乾沒或妄追鄉村農民充樂社祇應或勒令良民婦女拘入妓籍如違許人陳訴後因惠安人戶陳訴縣吏令粧束喬鼓祇應筵會已將犯人重斷勒罷又因永春人戶陳訴縣吏因上元放燈科買燈油不還價錢亦將犯人重斷錮身監還并牒諸縣今後上元放燈不許白科鋪戶油燭等物今來並照前來約束如有犯者並從重坐

一昨因晉江縣爲造軍期船敷買人戶桐油赤藤等物不還價錢遂將承吏斷配仍約束自今不許並緣軍期輒有科配今來訪聞諸縣因本州拋下赤藤麻皮等物輒科保正副收買更不依時直還錢甚者分文不支致令保正賠錢買納入納之時公吏又有需乞爲保正者其何以堪仰諸縣今後遇有軍期行下宜從長區處務令不擾

而辦毋容絲吏並緣廣行科配及仰令
司陪備

一昨因晉江重修縣衙出引監諸寺院納修
造錢其承引人輒將三植院佃戶打縛取
乞已將犯人斷刺仍帖縣鎮自今非甚不
獲已毋輒興土木之工其不急興修並仰
住罷所有合修去處湏管以見錢置場依
時價召人申賣不許出引敷率今恐屬縣
或因修造輒有敷配仰日下除罷

一昨曾約束民間爭訟官司所當明辨是非
如果冒犯刑名自合依 條收坐今聞屬
縣乃有專事科罰者遂使富民有罪得以
幸免貧者被罰其苦甚於遭刑日下各仰
除罷今恐屬縣有因公事而科罰民財者
截自日下並令除罷

一昨來約束人戶分析當從其便訪聞諸縣
乃有專置司局勒令開戶者但知利其醋
錢不顧有傷風教自今唯 法應分析經官
陳請者即與給印分書不許輒有抑勒今
聞諸縣仍復有此甚者差更下鄉勒令開

析實有此理仰截自日下並行住罷

一昨嘗約束保正長以編民執役官司所宜存恤訪聞諸縣知佐科率多端公吏取乞尤甚致令破蕩財產自今除本役外不許妄有苛擾其初參得替繳引展限之需官自到任滿替供應陪備之費並與除免今聞諸縣循習前弊又復甚焉非當管幹之事勒令管幹不當令出錢者勒令出錢其害不可勝計由此畏避不肯充承寧賂吏董求免是致都分有無保正去處仰知佐

政經

四十七

馬殿

諸廳自今於保正長等人務加寬卹除煙火盜賊及合受文引外不許稍有苛擾如官司已存恤保正長而保正長却募破落過犯人代役在鄉搔擾即當究治施行

一昨來約束寺院乃良民之堡障所當寬養其力訪聞諸縣科率頗繁致令重困浸成不濟自今除依法供輸外自餘非泛需索並與除免今聞諸縣視前加甚若使管下寺院不濟者多則均敷之害必及人户仰自今照上項約束毋致違戾

右諸具在前照得廉仁公勤四者乃爲政之本
領而崇風教清獄犴平賦稅禁苛擾乃其條目
當職於此不敢不勉亦願諸縣知佐以前四事
及今四條揭之坐右務在力行勿爲文具其逐
縣公吏有犯上項約束致招民詞當擇其尤者
懲治一二外餘並許之自新人戶亦不必論懇
自今約束下日爲始少有分毫違背斷不容
黥流斷刺必無輕恕帖諸縣知佐石井監鎮知
委并榜本州及七縣市曹曉示

帥福建曉諭文

當司以安撫一道爲職兵甲盜賊乃其專掌必吏良而後民安民安而後盜息盜息而後兵偃四者相關皆當致察乃紹定六年十一月恭奉詔書略曰比年以來民窮盜起皆激於奸貪之更大哉王言可謂明見萬里之外矣又自聖上親政之後登進忠賢退黜佞倖懲治賊吏禁止苞苴諸路監司太守皆以端方廉潔者爲之詔令之下無非爲民當司奉行其敢不恪自到福州一意講求賦輸太重者首議

蠲減科湏

四九

病民者以次革除禁公人下鄉之擾除保司代納之害戒諭十二縣官屬毋濫刑毋橫歛毋徇私毋黷貨毋通關節毋任吏胥相與精白一心無負明詔丁寧之意今又以申飭十二縣者行下諸州各察其屬務去前六者之弊使斯民各安於田里爾民幸遇清平之時宜知愛身寡過務本著業毋喜鬪毋健訟聖經有言一朝之忿忘其身以及其親非惑歟

言人一時忿怒不能忍耐生事出來變身害命累及父母乃迷惑之人所爲也

又曰訟終凶

言健訟者終必凶也

又曰好勇鬪狠以危父母此三者爾民所當戒也
聖經又言用天之道

春勤於耕夏勤於耘秋勤收斂之類是也

因地之利

高田宜麥低田宜禾之類是也

謹身節用以養父母

謹身是不妄為節用是不妄費

又曰身體髮膚受之父母不敢毀傷

一毛髮一皮膚皆是父母遺體不敢毀傷何

况輕犯刑憲自害身命

此二者爾民所當勉也當職以本路之人為本

路之帥其視八州皆如鄉黨其待百姓一如子

弟官吏貪殘者當為懲懲之豪強侵暴者當為

爾戢之盜賊剽竊為汝之害當為剪除之爾民

既安其生宜思自保父母之身勿犯有司之法

此榜到日所在耆老仁賢宜為開說使之通曉

宜為勸勉使之興起自今以往家家禮義人人

忠孝變七閩之俗為鄒魯之鄉非惟當職所望

帥長沙勸民間置義廩文

太守到任以來無一念不在斯民近因禱雨思所以爲邦人久處之計在城則置平糶倉儲米數萬碩歲歲出糶在諸縣則廣置社倉儲穀數萬碩歲歲出貸其爲慮悉矣又念社倉貸穀止及末等有田之人而細民無田者不得預也復請于常平司以今歲義米附納社倉爲賑糶之備然義米有限而貧民至多豈能均及於是又以居鄉之日所爲義廩規約以勸有力之家蓋欲公私出力共濟斯民使無餓莩流離之苦夫

政鑑

五二

何彬

人之貧富雖有不同推其由來均是天地之子先賢有言凡天下之疲癯殘疾惇獨鰥寡皆吾兄弟之顛連而無告者也我之與彼本同一氣我幸而富彼不幸而貧正當以我之有餘濟彼之不足自古及今能以惠卹爲念者其子孫必賢其門戶必興蓋困窮之民人雖忽之天地之心未嘗不憫之也我能惠卹困窮則是合天地之心則必獲天地之祐此以理言者也若以利害計之無飢民則無盜賊無盜賊則鄉井安是又富家之利也况義廩云者非損所有以予之

特出所有以糶之而已於富家無所損而
民實有益且每歲勸分出於官司豈能無擾
舉行義廩使上中之戶自相推排隨力出備官
司不計產彊敷之也自置糶場自收糶錢官司
不遣吏監_臨之也價直高下視時稍損官司不
抑令痛減也况嘗歲艱民食悉仰勸分今州郡
既立社倉又糶義米則與爾富民分任其責者
爲不少矣其可不體官司美意相率而樂從哉
今去秋成不遠已委知縣官各行勸諭期以十
月終逐都結成規約申聞于縣縣以申聞于州

政經

五十三

何彬

其能率先爲倡者當如褒賞或謂潭人未易告
諭諸縣勸糶自有成式何以義廩爲哉爲是說
者以薄待吾民也十二邑之廣豈無好義樂善
之君子且兩歲勸分亦有欣然出粟爲數頗多
如長沙之賈熊袁簡湘陰之鄧居中毛以大攸
邑之武當世瀏陽之龍世永李天覺羅廷圭安
化之劉孝錫陳洪範李曉張奉世湘鄉之馮楷
醴陵之曹應龍周霖丁大謙湘潭之羅邦臣楊
仁老向曉諭者州郡或借補官資或特立坊名
或量與免役以旌異之矣又安知無聞風欣慕

者乎必若諭之而不從則勸糶舊例蓋有不得
而廢者特不若人自爲之則義風興行群情感
悅其氣象不同爾譬之役法然爲義役則有輯
睦之風行差役則有爭競之訟義廩猶義役也
勸分猶差役也二者利害至爲明白爾民其詳

右文忠公政迹

古夫忠公如也

尚余酌差外也二者休善至爲即白爾凡其信
即之風行差役限不爭競之信其氣節差外也
必其廉秉不同爾善之好者爲善外傾不誠
而察者不若人自爲之限差風興行錄其恩
者乎必若諭之而不從則勸糶舊例蓋有不得



圖書在版編目(CIP)數據

眞文忠公政經／〔宋〕眞德秀撰．—北京：北京圖書館出版社，2006.8

(中華再造善本)

ISBN 7-5013-3092-1

I. 眞… II. 眞… III. 廉政建設—中國—古代
IV. D691.49

中國版本圖書館CIP數據核字(2006)第050801號

ISBN 7-5013-3092-1



9 787501 330928 >

書名 眞文忠公政經
著者 〔宋〕眞德秀 撰

出版 北京圖書館出版社(100034 北京市西城區文津街七號)

Tel: (010) 66151313 Fax: (010) 66174391

E-mail: Btsfxb@nlc.gov.cn

Website: www.nlcpress.com

華寶齋

印刷 杭州富勝古籍印刷廠

開本 八

印張 十四·七五

版次 二〇〇六年八月第一版第一次印刷

印數 一—二〇〇

書號 ISBN 7-5013-3092-1/K·1369

定價 四八〇圓

